

大乘阿毗達磨雜集論述記卷第十

唐京兆大慈恩寺沙門窺基撰

生者謂於眾同分諸行本無今有性假立爲生問外諸色等亦有生相何故唯舉眾同分耶答爲於有情相續建立有爲相故所以者何外諸色等有爲相成壞所顯內諸行有爲相生老等所顯故

第七段中有二初別解四相後釋論師當知此中下總料簡上若論本文唯別解四

生中有二初論本後釋師以問答以對外成壞大乘分說故依一期以辨四相非無剎那又舉顯而

爲論。又順正量部師爲論。如唯識第二。有二四相。應勘於彼餘文。思審可知。勘顯揚生異二相有因緣。

老者。謂於眾同分諸行相續變異性假立爲老。住者。謂於眾同分諸行相續不變壞性假立爲住。無常者。謂於眾同分諸行相續變壞性假立無常。相續變壞者。謂捨壽時。當知此中依相續位建立生等。不依刹那。

四相。一名體。總名是帶數釋。相者相狀。標印名相。諸部體性等。如婆娑釋。二辨諸部依此前後。正量

部。命遲。色。次。心。速。三法。命一。色三。心經十六念。上座。命速。次。心。次。色。命十六心。一。心十六色。一念卽命當二百五十六念也。化地壽命一期。色。心。念念。然生時卽滅時。經部。勘俱舍。大眾。色。有住生滅。鈍。故。有。生。住。滅。法。故。心。有。生。滅。一。切。有。唯。二。說。一。古。二。正。理。師。大。乘。可。知。如。唯。識。第。二。顯。揚。十。六。生。異。相。有。因。緣。三。相。法。總。別。大。乘。與。法。不。一。異。故。不。一。故。是。總。相。合。說。名。一。相。故。與。法。不。異。可。說。多。或。約。小。乘。唯。總。或。卽。法。辨。唯。別。相。四。假。實。者。如。唯。識。等。然。五。十。二。文。勝。五段六。與。法。一。異。不。一。異。如。唯。識。文闕

七釋諸妨難。如五十二或說二。或說三等。然顯揚通說一期一念。此論唯約一期菩薩地唯說一念。彼師云。假名相觸處收真實者。法處攝。今問此中何者緣生中生老死。

第八段中有三解三法。故然釋論卽爲二。初解三法。後解異名。初中又二。初別解三。後總釋三。初三中有二。初論本。後釋師。

名身者。謂於諸法自性增言假立名身。自性增言者。謂說天人眼耳等事。句身者。謂於諸法差別增言假立句身。差別增言者。謂說諸行無常。一切有情當死。

等義。文身者。謂於彼二所依諸字假立文身。彼二所依諸字者。謂自性差別增言所依諸字。如哀。鄔。壹等。此論本也。增言者。卽名是言。言卽音聲詮辦法故。法體無名。故謂爲增。增謂增益。又增者勝義名等。詮法勝於言聲。言聲能與合名等。不如名等故。又欲發言者。必依名等。方發出名增長於言。故略言謂增言。又言者。音聲法之自性。於中屈曲。假立名等。於言增故。名曰增言。增者加也。義雖亦然。而體非言。不詮法。故不具二義。不名增言。

又自性差別及此二言總攝一切。如是一切由此三。

種之所詮表是故建立此三爲名句文身。

此釋論師後釋又爾。

自性差別及此二言等者。一解自性差別。名句所詮諸法。二言者是名句詮二之言故。卽能所詮總攝一切。何不說字。字性所詮非能詮故。此能所詮總攝一切法。由此三種之所詮表。又解自性差別。諸法體義。二言者卽二名聲。此三并是所詮。爲此名等三種能詮所詮自性故。稱名句文身貫二處。又解自性差別。謂名句所詮爲目。說爲自性差別。或二二字二言。言者卽二所依之言。謂字是此文。

略故。但說二言情存二解。故以置言不說爲字。故通解也。如是三法總攝一切法。一切法是此三之所詮表。字言合彰者。彰是表義。與二爲依。彰於義。故略準可知。或與名爲依。顯名非句。與句名所依。顯句非名。故名爲彰。彰者別也。若爾卽與名身等。亦有句者。其義如何。故前解勝。此是假說。不可以爲本。能顯中一者。如與名爲依。但能顯彼名字義。與句爲依亦爾。或復義者是所詮義。

此言文者。能障彼二故。此又名顯。能顯義故。此復名字無異轉故。所以者何。如眼名眼。異此名外更有照。

了導等異名改轉由彼同顯此想故非哀壹等字離
哀壹等差別外更有差別能顯此字故無異轉說名
爲字無異轉者謂不流變。

彼同顯此想者想者名也說因爲名由彼照了等
同顯此眼名故不流變者流謂轉義變謂異義謂
字但守先住更不流轉變異改移。

名句文身以五門辨一顯差別二釋名字三界分
別四長養等分別五釋妨難有三一佛等一念聲
如何分位二四蘊名名等三不立次。

名句等中一名體且如名身或持業釋二名以去。

名卽身故或名無身二名與多名爲身故亦依主
釋出體可知然俱舍解好應披之攝法已周更不
立偈偈依五蘊假也以詮諸法體義唯名句爲此
依謂字立偈無用故今不說二辨相謂名名身多
名身等如婆沙第十四等三名等六種對名等九
位辨寬狹者如六名者一字名等此不然理并如
婆沙四三界小乘二說然大乘言說名猶隨語二
地繫思惟名通三界如唯識第八五通長養等流
然或異熟瑜伽第五十四說十色界異熟故六依
身長短佛及得自在菩薩一念聲能起語等此論

下云隨思一字便能證得一切法差別名言善巧故。無性攝論唯識第九。第九地菩薩卽得滿足。七義可說不可說。七十二等攝論等皆說於法增言假立非表詮故。唯不可說。八釋妨難。何故四蘊亦名爲名。如瑜伽正理論等釋。諸一名等實非名等。身以六位中後五位名。名身從多說。謂名身等說。增言者。增是勝義名等詮法勝於聲故。聲說名能增勝於言。言者聲也。或增者多也。以名等用加於聲體名增言。或名能增發語言說名爲增語。以言欲詮表因名發言故。

異生性者謂於聖法不得假立異生性。

異生性一諸部說如婆沙抄。二名體。或異生卽性。或異生之性。異生是總五蘊性。是染法故。二釋可知。異者別異。凡異聖生故。或於異趣異類生故。如婆沙第一卷中解諸名。此之生者謂生類熟生等。三辨相謂不得聖法。不得何法等準俱舍。四三性。正量唯染有部無二故。今或通二。或唯染汗彼云。或通三性。見斷法上立故。此不然。理如前及唯識。五捨斷前後可知。六釋妨難。問欲界異生成上界異生法。若成卽雜亂不成。違文欲界見斷種子上。

立故問。一乘成三乘異生不。若成者復雜亂。又阿羅漢應無異生。不成者如何。唯識第九依二障種建立此性。一乘既不成三。一界亦不成二。問。然此後十不相應。如五十二次第各別。五十六顯揚第一亦解。略答已下。問。何故此時方數三。卽攝論立世處數三識。餘識非於此立。此餘相不立爲識也。又方中色處。方色蘊共相。中方所示現。何別。色處唯一處。色蘊中唯色蘊。此中通五蘊。餘者可知。然識緣具成識。如理應知。問。諸不成就。何法所攝。應別有非得。如唯識第一。然且約不得聖法。唯立異

生性。略不立餘。

流轉者。謂於因果相續不斷。假立流轉。所以唯於相續不斷立流轉者。於一刹那。或於閒斷無此言故。

流轉以下。皆依前後因果以釋名。得一刹那。皆說有爲非無爲。流轉唯依相續。可非刹那。不解閒斷者。彼義隱故。略不說之。非非流轉。此中相續言顯。非一刹那。不斷言顯。非閒斷。

定異者。謂於因果種種差別。假立定異。因果種種差別者。謂可愛果妙行爲因。不可愛果惡行爲因。諸如是等種種因果展轉差別。相應者。謂於因果相稱假

立相應。因果相稱者。雖復異類。因果相順。亦名相稱。由如布施感富財等。勢速者。謂於因果迅疾流轉。假立勢速。次第者。謂於因果。一流轉。假立次第。因果。一一流轉者。謂不俱轉。時者。謂於因果相續流轉。假立爲時。何以故。由有因果相續轉故。若此因果已生。已滅。立過去時。此若未生。立未來時。已生未滅。立現在時。方者。謂卽於東西南北四維上下。因果差別。假立爲方。何以故。卽於十方。因果徧滿。假說方故。當知此中唯說色法所攝。因果無色之法。徧布處所。無功能故。

方中二解。一唯依色蘊。上立方。前方所示現等因。寬狹相似故。恐體卽色處。收方顯於色蘊中。施設不唯一色處故。二云此依五蘊因果上立。以色處中顯釋師。除此說。然通五蘊。隨依說故。如非色功德。隨所依色身。亦得說徧十方。此亦應爾。隨依可說有十方故。寬於色蘊上方。方有三。一色處。二色蘊。三五蘊。若不爾者。說何爲此。

數者。謂於諸行。一一差別。假立爲數。一一差別者。於一無別。二三等數。不應理故。和合者。謂於因果眾緣集會。假立和合。因果眾緣集會者。且如識法。因果相

續。必假眾緣和會。謂根不壞。境界現前。能生此識。作意正起。如是於餘一切如理應知。

後十法文中。流轉勢速次第時。四法唯依前後因果以辨。餘定異相應方數和合六法。通三世立定異之中。雖以妙行惡行各招自果爲其定異。然俱生法亦能爲因生受想等。豈非定異。故通三世論舉一隅相應中。雖舉布施感富財等。亦舉一隅。現在亦有相稱因果。故方中文且顯唯說現在。據實通三世。世世皆有十方故。若準依色有此方者。色中有方所。別說不相應受中有領納。別說不相應。

於此義中。應審思擇。和合文中。應假唯論現在。如依滅依緣未來境亦和合。故通三世也。文言總故亦不遮也。根不壞境現前等中。且如五識必四根具。隨一境現不待一切自作意起。更不待餘。餘識隨應當思準。問五識依四根。缺一不能起。眼識必緣顯形闕一不能生。答依是體增上。與力闕不生。境爲疎所緣。隨對即能起。作意難亦爾。皆應思準。勘瑜伽決擇及本地第三。

如是等心不相應行法。唯依分位差別而建立。故當知皆是假有。謂於善不善等增減分位差別建立一

種於心心所分位差別建立三種於住分位差別建立一種於相似分位差別建立一種於相分位差別建立四種於言說分位差別建立三種於不得分位差別建立一種於因果分位差別建立餘種因果者謂一切有爲法能生餘故名因從餘生故名果云何建立識蘊謂心意識差別。

建立識蘊中初問後答答中初略後廣廣中初解心有二一釋異名二證誠有。

八識以五門一發潤并名作正助果名受作受不同二五心差別因果三心所相應多少四得通四

道四道在因果具幾得捨分齊五雜通三慧三慧八識名義得聞謂聞聲慧謂聞所成慧離染有異染謂五住此中正取修慧名離。

八識中如別鈔章立名一體性二釋名三所依多少四心所相應五三性六三受七二障所依八轉識得智九何界地識後有智生十具緣多少一體五法中體有說五識唯有漏唯分別相攝有說通無漏及餘二若有漏如前二法攝無漏者正智攝唯識論說無漏能所詮見及有爲相分皆正智故三性之體準此二說應知二釋名者唯識說第七

八持業釋藏卽是識故眼等六。依土釋依眼之識故三所依多少。謂因緣等無間緣增上緣依如唯識解第七識中解。何故所緣緣非依者無依用故。非極有力引生心故。四心所相應多少者。如前解八識處各有諸說。五三性各別說與心所相應多少六三受。如唯識第五解六識別說。七二障所依。如唯識第十解二障處各有二說。八轉識得智。如唯識第十佛地第三攝論第九等。然唯識有五識。唯有漏師釋得成所作智體二說。九何界地後轉。四智生者。如唯識解四緣處十具緣多少者。如唯

識第九中有自他諸識四分互緣多少。然一約三緣等。下一一識自分別。

然建立心中有二。初略問答。一心者下次第廣。

心者謂蘊界處習氣所熏一切種子阿賴耶識亦名異熟識。亦名阿陀那識。以能積集諸習氣故。習氣者謂由現行蘊等令彼種子皆得增益。一切種子識者謂能生蘊等諸法種子所積集故。阿賴耶識者謂能攝藏諸法種子故。又諸有情取爲我故。異熟識者先業所生故。阿陀那識者謂能數數令生相續持諸根等令不壞故。又言心者謂能積集一切法習氣故。

釋異名中。初論本解心舉異名。後習氣者。釋論能解前義舉異名。習氣所熏總也。一切種子等四名相也。以能積集諸習氣。故成前心義。本識眾名中。頌曰。無沒本宅藏。種無垢持緣。顯現轉心依。異識根生有。此眾名中。唯藏一名。在阿賴耶。其轉異熟。了別事窮生蘊。有分識五名。唯在異熟識。餘十一。在阿陀那。謂無沒本宅種子。執持無垢顯現心依。根本識等。此中阿陀那識者。謂能數數令生相續。卽唯識云。及能執取結生相續持諸根等。令不壞故。卽唯識云。以能執持諸法種子。及能執受色根。

依處。二義合一處說。總名執持。彼論約能生覺受。及不生義。以分後二。此約內處總之執持。

解三種心中。初釋異名。後量證有證有中。可解藏。轉異了別。顯有報無宅。種持緣現心。第八識異名。一名種子識。此論等云。一切種子等是。二名阿賴耶。諸論共有三名異熟識。唯識等皆有四名阿陀那。瑜伽五十顯揚第十七等云。阿陀那識甚深細等。五名心攝論云。心體第三等。此亦有之。六名了別事識。楞伽云。略有二種。一了別事識。二分別事識等。七名意。十八界中言。意界故。梁論云。佛說意。

名此目第一識等。八名識亦名事識故。九名緣識。諸法因緣故。中邊云。第一名緣識等。十名受者識。如攝論十一識處。十一名本識。如廣百論等云。一切有情各有本識等。十二名如來藏。如楞伽佛地等說。十三名善惡趣死生識。十四名根本大眾部名。十五窮生死蘊化地部名。十六有分識。上座名。十七寶性論名現識。以常能現行不斷絕故。十八正量部名果報識。十九此唯淨名。唯識引如來功德莊嚴經。此名無垢。二位次長短。唯識第三說。我愛執藏位。善惡業果位。能持諸法位。以此諸名一

一配屬。三出其三相。謂因相果相自相。如攝論及唯識第二十八空論云。地前觀報梨耶。初地上觀自性清淨心。菴摩羅識。四緣境分齊。謂如唯識第三廣明分齊。楞伽第七云。阿賴耶識知名及相。如虛空中有毛輪等。乃至離於我過等。五具緣多少。於中一三緣。二四緣。若唯本有唯二緣生。卽自性愛非愛道生。除受用受用新熏業故。自性是因緣愛非愛。是增上緣業果故。若新熏有三緣生。皆新熏生故。以意識習本識名言熏成種子。種子從意識等因緣生故。以二四緣生。如唯識論第四及四

緣處六四句分別。如五十一卷說。

云何知有阿賴耶識。若無此識。執受初明了種子業身受。無心定命終。無皆不應理。釋此伽他。如攝決擇分說。由八種相證阿賴耶識決定。是有謂若離阿賴耶識。依止執受不可得故。最初生起不可得故。明了生起不可得故。種子體性不可得故。業用體性不可得故。身受體性不可得故。處無心定不可得故。命終之識不可得故。

解八證中。如五十一鈔。唯識十證。然唯識無此三。最初明了與業用。此三初二。是釋妨難。第三違教。

失唯識非別。卽彼釋識俱轉中妨難用。其中一一皆應細勘。

云何依止執受不可得耶。由五因故。謂阿賴耶識先行。因感眼等轉識現緣。因發如說根境作意力。故諸轉識生。乃至廣說。是名初因。又六識身善惡可得。是第二因。又六識身一類異熟。無記性攝。必不可得。是第三因。又六識身各別依轉隨所依止。彼識生時。卽應被識執所依止。餘無執受。不應道理。設許執受亦不應理。以離識故。是第四因。又所依止。應成數數執受。過失所以者何。由彼眼識於一時轉。一時不轉。餘

識亦爾是第五因

五因破執受中分二。初一因。總破六體非。後說四。別破三性六識非。後四因中分四。初一破善惡性。後三破異熟無記。取唯識第三末十證。第四證大好。此中容有等。唯識瑜伽各有等等威儀工巧變化。此中文略。

八證中第一證總破諸部。

云何最初生起不可得耶。謂設有難言。若有阿賴耶識。應一有情二識俱起。應告彼曰。汝於非過妄生過想。容有二識俱時轉故。所以者何。猶如有一俱時欲

見乃至欲識。隨有一識最初生起。不應道理。何以故。爾時作意無有差別。根及境界不壞現前。何因緣故。識不俱轉。云何明了生起不可得耶。謂若有定執識不俱生。與眼等識俱行一境。明了意識應不可得。所以者何。若時隨憶曾所受境。爾時意識不明了。生非於現境所生意識得。有如是不明了相。是故應信諸識俱轉。或應許彼第六意識不明了性。

第二及第三除大眾等部。彼許六識俱故。

云何種子體性不可得耶。謂六轉識身各各異故。所以者何。此六轉識從善無聞不善性生。不善無聞善

性復生。從二無閒無記性生。下界無閒。中界生。中界無閒。妙界生。妙界無閒。乃至下界生。有漏無閒。無漏生。無漏無閒。有漏生。世閒無閒。出世生。出世無閒。世閒生。非如是相識爲種子。體應正道理。又心相續長時閒斷。經久流轉不息。是故轉識能持種子。不應道理。

第四破經部及大眾部。設許經部從彼熏習。許大眾等六俱六識不得受熏。種子證中。瑜伽云。又彼諸識長時閒斷。不應相續長時流轉。故知此中心相續。長時閒斷。相續經久流轉不息。相續者。色身

雜故。

云何業用不可得耶。謂若無諸識同時生起。業用俱轉。不應道理。所以者何。略說識業有四種。謂了別外器。了別依止。能了別我。了別境界。如是四種識。了別業。一一刹那俱現可得。非於一識一刹那中有如是等差別業用。是故必有諸識俱起。

又引四業用證。此以比量唯識道理。成一一念必須有此四用。

云何身受體性不可得耶。謂如有一。或如理思。或不。如理思。或不思惟。或復推尋。若心在定。若不在定。身

受生起非一眾多。若無阿賴耶識。如是身受應不可得。既現可得。是故定有阿賴耶識。云何處無心定不可得耶。如世尊說。入無想定及滅盡定。當知爾時識不離身。若無阿賴耶識。爾時識應離身。識若離身。便應捨命。非謂處定。云何命終之識不可得耶。謂臨命終時。識漸捨離。所依身分發起冷觸。或上或下。非彼意識。有時不轉。故知唯有阿賴耶識。能執持身。隨於身分。若捨此識。冷觸可得。身無覺受。意識不然。是故若無阿賴耶識。命終之識必不可得。

命終識證中。唯識第三破六轉。非此事。而瑜伽及

此論唯言非彼意識。有時不轉者。據定有識爲論。五識前將死時。已無故。諸命終位。三性心乍可無。潤生心決定須有。凡夫以現種潤故。

意者。謂一切時緣阿賴耶識。思度爲性。與四煩惱恆相應。謂我見我愛我慢無明。又此意徧行一切善不善無記位。唯除聖道現前。若處滅盡定。及在無學地。又復六識。以無閒滅識爲意。

第二段解意有二。此論本文。下釋師解。本中有二。初解第七意。後解六識。亦以無閒意爲依。初中準下文有四段。以卽四門分別。唯識第四。十門分別。

此中文有四舉名。唯有五無行相所依。及餘俱性攝繫界五門四門者。一所緣。唯識第四有四師解。如彼勘敍。此中據因位未轉依說。思度爲性者。彼云思量量卽度故。此卽行相識。以思量爲行相。故不說餘俱。如出唯識。

解意中除三位二說。如唯識第五卷初。

當知此中由所緣故釋義。故相應故。生起時故。顯了於意。何故聖道現前無染汙意耶。由勝義智與我見現行極相違故。出聖道後從阿賴耶識復更現起。以有學位未永斷故。又滅盡定望無想定極寂靜。故此

染汙意不得現行。

釋論中有二初解第七。後解滅意。初中又二。初以四義釋前所明。後辨釋前生起之時。於中有二。以何故後必不起。定無有故。略而不說。聖道中隨何乘聖智者。一分全分。諸師異說。在因非果。然八識中有三類。一染淨俱麤。謂前六。二染淨俱細。謂第八。三染麤淨細。謂第七。所以滅定聖道。隨其所應。有滅不滅。違定別故。

無閒滅意者。由隨覺故。無閒覺義。是意義。當知此中隨顯相說。

無閒滅意者。如古鈔釋論由隨覺等者。彼云心心所法思量名覺。現隨過去生故。所隨名意。故言隨覺。若爾現在自是覺。何更須隨舉現所隨。爲釋此意。彼云無閒覺義者。謂與現在無閒覺故。顯次第緣義。當知此中隨顯相說者。以二意中同時意是顯相。故唯說之。今解不然。論本亦自說過去名意。故以唯識第五破小意過去非意過去自性非思量。故曾於現在但名識。故似他思量無所似。故此名意必第七識過去似。此亦得意名正思量。故。故言隨覺者。覺謂第七思量名覺。此過去似第七

爲依。或隨第七覺義名爲意也。無閒覺義。此無閒所依之識。似於覺。故名意也。隨顯相說者。謂諸論唯說無閒意者。隨顯相說。行相易了。故論說此中。故非諸論。此中釋伏難。何故不似現在心識而似意耶。答有當。知此中說似意者。隨顯相說。似爲依義。又行相細隱。似現意。故名隨顯相。故過去不名識心。第七識一明所依。如唯識第四五及別章如五十一及六十三鈔敘不共無明等。

識者。謂六識身。眼識乃至意識。眼識者。謂依眼緣色。了別爲性。耳識者。謂依耳緣聲。了別爲性。鼻識者。謂

依鼻緣香。了別爲性。舌識者。謂依舌緣味。了別爲性。身識者。謂依身緣觸。了別爲性。意識者。謂依意識法。了別爲性。當知此中。由所依故。所緣故。自性故。建立於識。

解六識中。依不共依。未解依位。具分別耳。

前六識。一名體。一名受用識。攝論云。一名緣識。二名受用識。二名心識。攝論云。從此初心生後。三心等故。三名生起識。論云。六識隨因生起。受用愛憎等報故。四名轉相識。楞伽云。名爲轉相識。五名六識。此論云。從眼識乃至意識。六名分別事識。楞伽

云。亦名分別事識。七名能受識。攝論十一識中。辨八名了別境識。如唯識第一。謂了別境識。九名轉識。決擇有心地云。轉識故。十名恆不行識。此論等云。不恆行心心所故。體性可知。二三性門。五識有有覆不。三五受分別。二門并如唯識。四具緣多少。一二緣。二四緣。皆得從二緣生。瑜伽第九等說識支通六識故。若唯識卽非前六。非識支故。若許爲自性緣。卽亦是愛道緣生。從業生故。若非自性。此愛非愛。亦無體。是受用緣。其四緣。一一如唯識。四緣中說。五二障分別。如唯識第十。華嚴經第四地。

中十地論第六卷第四地斷我見等六四分分別如唯識等七率爾等五心分別如別章解六識中文意可解。然所依根形量如俱舍等。

云何建立界。謂色蘊卽十界。眼等五根界。色等五境界。及法界一分。受想行蘊卽法界一分。識蘊卽七識界。謂眼等六識界及意界。何故建立界處無別相耶。建立蘊中已說眼等各別相故。是故從諸蘊中。出界建立。從諸界中。出處建立。

第二建立界。論本中有二。初略建立。後問答辨蘊不攝法。問。何故蘊合色識開心所。處開於色非心。

所界開心色非心所耶。二十唯識云。依彼所化生。世尊密意趣說有色等十。如化生有情。以愚有三。唯愚色爲我。及唯不解說十二處。愚色及心爲我。及不解說界。唯愚心所爲我。及不了爲說蘊。俱舍云。愚根樂三故。初中有二。初略明建立。後問答分別。

第二建立界中有二。初略問答建立五蘊。二何故建立界處無別相耶。下問答分別。於中有二。初略問答無別建立處相處。雖下始明建立。然近前問答。

何等界法蘊不攝耶。法界中無爲法蘊所不攝。此無爲法復有八種。謂善法眞如。不善法眞如。無記法眞如。虛空。非擇滅。擇滅。不動。及想受滅。如是建立八無爲。中當知所依差別。故分析眞如假立三種。不由自性故。

第二問答中。問界法蘊不攝。以前說蘊卽十八界。故恐界蘊無差別。故爲此問。於中有二。初問。後答。答中又二。初略舉列名答。上唯論本。下通二師。後隨列別釋答。答中有二。初釋論師料簡釋妨。後別別解釋。釋中爲四。一解眞如。二解虛空。三解非擇

四解餘三。餘三以下有總問答。故爲一段。釋妨難中。彼云。以如依位分析爲三。何故餘者不分爲三。謂空三性變非擇三性法滅等。此亦不然。法性眞如依位有三。卽餘已說依如義別起。若心變如非。此所說。故同空等亦無三性。若依相者。如爲三性之理。可隨以說三。餘不應爾。故不可解。

二問答界法蘊所不攝。於此中有三。初問蘊不攝法。列八無爲名。二隨八無爲爲六科釋。三當知此中有二應斷下。明諸無爲差別。建立無爲中。一教興意。大眾部立九。一擇滅。二非擇滅。三虛空。四空

處五識處六無所有處七非想非非想處八緣起支九八聖道支化地部真諦名正地立有九一擇滅二非擇滅三空四無我五善如六惡如七無記如八道如九緣生如正量部及譬喻論師說三無爲無體薩婆多立無爲毗婆闍婆提說三滅中立無常滅亦是無爲二諸論增減勘瑜伽等三釋名出體者釋名總名別名六離合中應思準體如唯識第二及第八解三性中說顯揚論第一說後二亦是離繫性故非非想攝四假實門瑜伽第五十三及第一百卷虛空待諸色而假建立瑜伽第五

十三等說非擇是假故餘擇滅等可知真如彼云唯實今如唯識卽五假三實也五內外門不動想受二滅唯內法滅得餘皆通內外六善等三性彼云虛空非擇唯無記此亦不然如前得等中理說如我卽通三性心所變故若於真如上義分卽唯是善又依他等三性如唯識第八七諦攝一安立非安立二四諦三二諦瑜伽六十四七十二等云非安立諦攝者謂真如除空非擇餘是安立諦滅諦攝然唯識第八有漏無漏心變卽通道苦集三諦攝若真如體上義分并非安立諦攝若假立本

質卽許虛空非擇非諦許眞如非滅諦并如唯識鈔解七異名如唯識第二第九卷初解若勝義等三種亦如彼然佛地大般若等更有多名。

無爲廢立中實故應立一謂眞如假實分應立二謂法性心變隨性立三謂所執等據相立有四謂眞如擇非擇空不動想受不出擇非擇故依相增立有六受障定增故依詮位立八三性體位別故若依界地根果卽有無量無爲一增減二廢立三得時入所四得差別五假實。

善法眞如者謂無我性空性無相實際勝義法界。何故眞如說名眞如由彼自性無變異故謂一切時無我實性無改轉故說無變異當知此則是無我性離二我故何故復說此名空性一切雜染所不行故所以者何由緣此故能令一切諸雜染事悉皆空寂雖復有時說有雜染當知但是客塵煩惱之所染汙何等名爲客塵染汙謂由未拔所取能取種子故令依他性心二行相轉非法性心以諸法法性自性清淨故何故復說此名無相諸相寂靜故諸相者謂色受等乃至菩提諸所戲論眞如性中彼相寂滅故名無相何故復說此名實際無倒所緣故實者謂無顛倒。

此處究竟故名爲際。過無我性更無所求故。何故復說此名勝義。最勝聖智所行處故。何故復說此名法界。一切聲聞獨覺諸佛妙法所依相故。如善法真如。當知不善法真如無記法真如亦爾。

真如中有二。初釋善真如。後別例不善無記。初中有二。初略列異名。後隨別釋。實際中實謂無倒。有二解。一卽如際。二謂如智。若依後解。與勝義無差別。故前解好。

虛空者。謂無色性。容受一切所作業故。

空中有二。此初論本。後釋論也。容所作業。準此應

說。然佛地論中第三亦容三業不障意轉。故佛地自會此違。

解空。此及伽等。但言唯違色。佛地第三亦違五蘊法故。彼論會云。唯違色者。就世共知麤相而說。此等皆如唯識第二說。然假立故。隨心可言多。真如是一故。亦得言一。

無色性者。謂唯違於色。無性相法。意識境界。是名虛空。意識境界者。謂法界攝故。唯違色言。爲別受等。共有真如。擇滅非擇滅。無常性等。雖兔角等。亦是無性。然彼不與諸法相違。以彼唯是畢竟無故。又兔角等。

非唯違色。由與受等諸法共故。是故唯說與色相違。無性相言。爲別受等無色之法。何以故。受等自體是有性相。非無性相故。

釋中有二。初略後廣。無色性者。至是名虛空略也。餘廣也。廣中有三。一廣前意境。二廣前唯違色。三廣前無性相言。隨義卽廣不依次第。釋唯違色中。爲別受等共有真如等者。受等四蘊亦名其違真如等故。色等理違意顯色蘊。非但違空亦違真如。真如等通違五蘊。受等唯違真如等故。與空別無常性等者。等取空無我等。雖兔角等下。本疏中解。

雖已下文釋外伏難。何故不說兔角亦違五蘊。但言真如等。今答不違。以體無故。又兔角等下釋伏難。何故不說此違色。俱言違色。今答共違五蘊。有無異故。今解不然。此釋伏難。不說兔角等同虛空無爲。所以不違五蘊。畢竟無故。今此初解。不可說爲無爲。不違五蘊。本性無故。後重解云。何故不說兔角爲虛空無爲。答言。非唯違色亦違五蘊。非唯違色故。無性相言。顯非受等。受等唯違色。非無性相。故性者體也。相者用也。此三義中。意境無性。二是實義。唯違色者。依麤相說。非實理門。

非擇滅者。謂是滅非離繫。不永害隨眠故。

非擇中。一依處。如前得中說。依何法有此滅。唯現在種子上。不同小乘。二對擇滅辨數多少。大乘無文。準小乘取三退不退。五十三說。且有退者。廣如彼論。四對於擇滅辨前後得。準小乘取。五約得者。如前得中說。六何果者。六十六云。是離繫果及增上果。然暫時非畢竟。七假設問答。頗有漏。唯得永滅。不得非擇不等。準小乘說。

擇滅者。謂是滅是離繫。永害隨眠故。不動者。謂已離徧淨欲。未離上欲。苦樂滅無爲。想受滅者。謂已離無所有處欲。止息想作意爲先。故諸不恆行心心所及恆行一分心心所滅無爲。

擇滅者。下釋後三無爲。爲二。初別解。後釋師料簡。擇滅中。一得處。謂一切有漏法。如唯識第十二障中二說。二一異。若得法別。可言多。若一真如。唯可言一。如唯識二解。三辨本有始起。隨心始起。本如本有。四四涅槃相對辨寬狹。如唯識第十。五此擇滅爲隨有漏法數爲總是一。六於五果何果攝顯揚十八。非離染果。是增上果。如別鈔。然六十六是離繫增上二果。不動想受中。一出所治。彼云。是不

隱沒無記不巧便慧。彼問曰。定障與所知障何別。答同體。解深密經云。斷煩惱障名慧。解脫若斷所知障。名俱解脫。故又六十二云。又諸解脫由所知障解脫所顯。由此聲聞等於所知障解脫所顯。故無別也。彼云。此定障有二。一人執二法執。人執現種二乘永斷。法執現行二乘亦斷。種不能斷。諸論說二乘得不動等無爲者。通約伏斷永斷所得無爲。此理不然。豈定障種子二乘不斷也。若伏者。應非擇滅一分故。此應如唯識第十二說定障體性。此論言受斷得二無爲故。非是慧不可爾。而乖大

義。然說二乘不斷。所知障者。但障智者。彼不能斷。不遮定障種。亦能斷。二約得時分齊。其得不動無爲。實得初定離下一品。欲彼已得。但約變異受盡處語。故總離第三定。欲時分方說。或永離變異受果滿時方說。故此論說。故得第二定時。雖證苦滅而不建立。以變異受未盡斷故。其想受滅亦離第四定一品。卽得亦於顯處果滿說。以無漏心等時不變異受。想方顯。故然依滅盡定之時。無心之後無處方說。準下應知。三伏斷定障得。如唯識第十有二說。此中卽是擇滅一分顯揚。十八說此二無

爲是暫時離繫非畢竟若唯斷定障方得如何於滅定心無之時方說其此無爲前無所有處無間道斷解脫道中已得故令其入滅定心但是非想無漏不能斷惑以遊觀心爲方便故又下第十云已離第三定伏已上惑得滅定豈無此無爲耶又違顯揚文故若伏得者卽違此文非擇滅一分故又違顯揚第一云此二是離繫故又伏惑得滅定豈不退耶若不退者何聖者得此定已後生色界又有熏禪爲例失如身在下界熏第四禪然伏初定以上熏彼禪後不退應生第一二三定今解伏

惑及障得定此上無爲卽非離繫如顯揚十八若斷定障得定此上無爲卽是離繫如顯揚第一等若必伏得生無色界如何不退者此中二說一云聖者不退不退已斷之法非已伏之法無漏亦爾二云其煩惱可退生色界定障必斷雖生色界此障不能發業潤生故不退滅定由此義故有先斷煩惱非定障如依未至定慧解脫者有先斷定障非煩惱如斷第四以上定障得定不斷煩惱者有二俱斷者如俱解脫身證等實斷得此定俱不斷者不得此定四凡聖得者唯聖得非異生諸論皆

說離繫性故。顯揚十八說。非離繫。唯識第十說。伏定障得。故言凡得者非。五問答分別。問。想受既伏。得不動亦爾耶。亦爾說。暫離故。問。爲全離欲界者。伏得少分等者亦爾耶。答。一云。少分等者不得。以欲界定障及不善煩惱增勝。故伏不得。二云。伏亦得。如滅定。如唯識第七說。問。其想受無爲實斷有漏定障所得。何故無漏心滅方說無爲。答。以相顯故。以前滅有漏心時。雖已得竟。然無漏心猶有故。相猶未顯。今無漏并盡。相顯方說。或果滿方說。其此無爲。因本斷時。爲永定果實。雖先得。今從果之

處滿方說。故顯揚云。暫時離繫。以於滅定無漏心滅上立故。若離繫者。說前解脫道實證彼故。問。受想滅定與此後無爲何別。無想定與不動何別。厭心種子說名爲定。體是有爲。行蘊所攝。現行爾時。後念不起。無處顯於真如。真如之上。假立無爲。非蘊所攝。厭心種子名無想定。行蘊有爲。斷變異受。解脫道證障無處顯於真如。真如之上。假立不動。非蘊無爲。故二別也。苦樂滅無爲者。二禪斷苦。於變異受盡處。總說有人引小乘云。以苦所依識。二禪滅故。苦所以滅。若爾。憂所依識有恆不滅。故憂

應通無色。恆不恆行等如滅定中釋。論云。謂除此能治定障所得轉依者。或說是擇滅。或說非。卽真如。如唯識第十論傍乘義中。

當知此中有二種應斷法。謂諸煩惱及此所依受。受有二種。謂變異及不變異。如其次第。苦樂非苦樂。當知煩惱斷故。建立擇滅。二受斷故。如其次第。建立不動及受想滅。煩惱斷者。謂除此品麤重所得轉依。受斷者。謂除此能治定障所得轉依。是故得第二靜慮時。雖證苦滅而不建立無爲。以變異受未盡斷故。又若五種色若受想行蘊。及此所說八無爲法。如是十

六總名法界。

料簡中有二。一辨應斷法。二顯依立無爲。當知煩惱斷故。以下是言此所依受者。謂爲根爲境相應法。受總名煩惱所依之受。或除相應縛所緣縛。或斷硬澁性總名斷受。非要體無通三性法種子現行。隨所應皆得。又解所依受者。唯說俱時受。以是離繫斷相應縛得故。非孤斷受等。彼非時離繫得無爲故。此文據一分故。故離繫顯揚據孤斷一分。故言暫時離繫。若依前解。此文爲盡理攝。二皆盡。故此中言麤重。瑜伽第二煩惱名麤重亦名隨眠。

異熟法名麤重。不名隨眠。善品便不得名。以所依體能非不堪能故。今論云所依受不名麤重者。若唯取俱時所依受餘爲別煩惱。略不言麤重。據實是麤重。若通取根境俱受。總名所依受。受寬故。不言麤重。麤重有非異熟品故。此定障體。通二障故。若二障俱定得離繫果。若非俱者。但增上果。不害隨眠故。

大乘阿毗達磨雜集論述記卷第十